

肉舖全圖
階四種



每部壹元紋銀四兩

上海轉輪藏書
上海膠泥版印



校補金石例四種序

程氏家藏



濟南潘氏金石例十卷當元之世版已三鈐彙來操觚家之奉爲矜式也審矣明初長洲王氏推廣其意別著墓銘舉例四卷發明表裏以津逮後學世僅傳鈔名幾湮闕此也是翁敏求記中之所以弗詳也迨後四百年來始有金匱王秉誠者爲之讐校并合姚江黃氏要例一卷刻之遂名之爲金石三例也聿自三例出而金石文字之道尊金石文字之道尊而具見吾人立言傳信之非易易爲也昔吾李氏習之

校補金石例四種序

一

言曰古之爲文唯其是今之爲文唯其工所求乎是者規矩準則之不容少懈也此書原刻精當而微嫌夾註叢列坊本則魚豕之病雜陳矣余迺慨然思廣其傳卽以自治膠泥版統作平字裨之且以近見吳江郭氏祥伯之金石例補補之夫例之勑自蒼厓也引而伸之者有止仲縫其所闕者爲梨洲至臚晰而賅備者則近惟祥伯是潘氏之學益有以昌之也因別署其編曰校補金石例四種都十七卷庶使海內操觚家之有志於古者如獲指南車焉

道光十有二年冬嘉平既望吳郡李瑤子玉氏序於
杭州吉羊里厲樓

都目

元 濟南潘氏蒼厓金石例 十卷

明 長洲王氏止仲墓銘舉例四卷


國朝姚江黃氏梨洲金石要例一卷

吳江郭氏祥伯金石例補二卷

凡六冊都十七卷

按補金石例四種序

二



金石三例序

文章無義例惟碑碣之製則備載姓氏爵里世系以及功烈德望子女卒葬之類近於史家如春秋之有五十凡故例尙焉碑碣興于漢魏迄唐宋以下而例則斷自韓子元潘蒼崖創爲金石例十卷制器之楷式爲文之槩獲靡不畢具明初王止仲又撰墓銘舉例四卷兼韓子以下十五家條分縷晰例之正變推而愈廣

本朝黃梨洲以潘書未著爲例之義與壞例之始作

金石三例序

一

金石要例一卷用補蒼崖之闕合三書而金石之例始賅曩病時賢碑碣叙次失宜煩簡靡當蓋未嘗于前人體製一爲省錄爾茲故彙刻以行世俾後之君子曉然於金石之文不異史家發凡言例亦春秋之支與流裔觸類而長之庶乎知所從事矣蒼崖吾鄉濟南人止仲吳中北郭十子之一梨洲爲忠端公子漁洋重推之三君者學問文章皆有根柢其所論著足爲程式刻旣成爲序其大畧如此乾隆乙亥長至

日德州盧見曾撰

金石例序

金石例者蒼崖先生所述也凡碑碣之制始作之本銘志之式辭義之要莫不放古以爲準以其可法於天下後世故曰例而其所以爲例者由先秦二漢暨唐宋諸大儒皆因文之類以爲例至夫節目之詳率祖韓愈氏大書特書不一書彪分矚列其亦放乎春秋之例也與甚矣先生有功于斯文也先生世居中州以文學鳴國初士之爲文者猶襲織巧其氣萎蕪不振先生患其久而難變也乃述是書以授學者使

其知古之爲文如此粲然畢舉如示諸掌故歷事六朝出入翰苑餘二十年凡經指授者皆有法度朝野至今稱之至正四年春先生之子敏中來爲饒理官好賢下士文雅有父風其于先生手澤尤加慎重以本之與於斯文也俾之次第而讐校之刻之梓以永其傳嗟乎先生不以崇高自居而加惠于後學敏中不以勢利相尙而盡力於遺書有子如是先生爲猶生矣後之人當知是書有功于斯文不細也先生姓潘氏諱昂霄字景梁學者稱之曰蒼崖先生官至翰

林侍讀學士通奉大夫謚文僖有蒼崖類稿若干卷
云至正五年春三月鄱陽後學楊本叙

聖人春秋褒貶著于筆削者謂之例國家政刑賞罰
見于制度者謂之例是皆以其可爲法于天下後世
也濟南文僖潘公蒼崖先生取古昔碑碣鐘鼎之文
提綱舉要條分類聚定爲十卷名曰金石例一卷至
五卷則述銘志之始而於貴賤品級塋墓羊虎德政
神道家廟賜碑之制度必辨焉六卷至八卷則述唐
韓文括例而於家世宗族職名妻子歿葬月日之筆

金石例序

一一

削特詳焉九卷則先正格言十卷則史院凡例制度
筆削于此又可以槩見焉使世之孝子慈孫觀其制
度之等則思得爲而爲不得爲而不爲而于事親之
道不至違禮矣觀其筆削之旨則思孰爲可傳孰不
可傳而於揚名之道有以自力矣是豈惟爲文者之
助于世教將重有補焉公之子敏中來官于饒出是
書以示余因得以觀夫公之篤意斯文而又喜斯文
之有賢子以傳也遂爲之引至正乙酉春三月望賜
同進士出身將仕郎前慶元錄事鄱陽後學傅貴全

序

文章先體製而後論其工拙體製不明雖操觚弄翰于當時猶不可况其勒于金石者乎陸士衡文賦論作文體製大畧可見由先秦以來迄于近代金石之所篆刻具有體製好古博雅之士皆不可以不之考也然而自上徂下貴賤有等名器亦因之而異數叙事紀實抑揚予奪必當有所法自非類聚而通考之何以見之哉翰林蒼崖先生潘公雄文博學爲當世所推嘗歷攷古今文辭提綱舉要萃爲一編名曰金

金石例序

三

石例凡爲文之架度制器之楷式開卷瞭然其用心亦勤矣公之子敏中寶其手澤罔敢失墜宦游四方必載與俱其在番禺復刊是編以廣其傳且與吾黨共之噫公掌帝制司文衡其所以藻飾太平者已無所不盡其忠敏中克承家學益彰其親之美斯亦繼志述事之孝者乎忠孝萃于一門文物昭于盛世使夫爲人臣爲人子皆有所矜式實有功于名教豈特爲文之助而已哉余故表而出之以冠篇端云至正五年春三月饒州路儒學教授桐川後學湯植翁序

三代無文人六經無文法儒者有是言也然春秋大義數十以褒貶寓於一字之間傳者謂其發凡以言例皆經國之常制周公之垂法諸稱書不書先書故書不言不稱書曰之類皆所以起新舊發大義謂之變例至謂發傳之體有三而爲例之情有五然則謂無法可乎後世之文莫重於金石蓋所以發潛德誅姦諛著當今示方來者也如是而不知義例其不貽鳴吠之誚也幾希翰林蒼崖潘先生動必稽古取先代碩儒所爲文類而集之題曰金石例視傳春秋者

金石例序

四

所言如合符節俾夫攷古者知古人用意之所在而學古者有所矜式而不敢肆其嘉惠斯文不其至于正丁亥予忝教番禺公之子敏中爲理官嘗屬郡士楊本端如緝其次第旣已刻于家而公諸人學之寶師景陽吳君旭子謙吳君以牧謂此書將歸中州則邦之人焉能一一而見之哉盍列之學官以垂永久乃復加校正而壽諸梓於乎古人吾不得而見之矣得見古文斯可矣明年戊子夏六月旣望廬陵王

思明謹敘

金石例目錄



鄱陽楊本編輯校正
廬陵王思明重校正

卷之一

碑碣之始 墓誌之始 碑碣制度

墓誌制度 墓表制度 石人羊虎柱制度

墓圖 古今碑石同異

卷之二

金石文之始 碑式 碑陰文式

德政碑之始 德政碑式 墓碑式

神道碑之始 神道碑式 家廟碑式

先廟碑式 先塋先德昭先等碑之始

先塋先德昭先等碑式 賜碑名號之始

賜碑名號式

卷之三

碣式 墓碣式 誌式

墓誌式 葬誌式 殯誌式

權厝誌式 歸柩誌式 墓版文式

卷之四

銘文之始

銘式

墓銘式

墓誌銘式

墓碣銘

墓輓銘

壙銘式

卷之五

古墓表式

今之墓表式

墳記式

誄式

行狀式

論行狀語錄

名號稱呼類

時忌字樣類

書碑額例

書碑陽例

書碑陰例

僧碑

金石例目錄

二

論碑文合書不合書

書銘陰例

卷之六

韓文公銘誌括例

自宦業俊偉者叙起而以世系妻子居後

自急流勇退者叙起次履歷家世以歿葬居後

自事實叙起次履歷家世子女葬年月日居後

先敘姓字三代次履歷而以妻子居後

先敘家世

不書家世而書履歷

不書家世履歷而言丹砂之害

先敘歿年月起

先敘歿者葬地

先叙姓名履歷而以三代妻子居後

無履歷可敘者

僅有初筮可書者

敘文詞之盛者

自賜廟敘起

自乞銘敘起

有誌無銘

述其妻子之辭

法揚子雲造語

王臨川以爲銘之奇者

樓迂齋所取者

賜廟碑體

郡王碑體

公相銘誌體

節度觀察刺史誌銘碣

金石例目錄

三

御史卿監郎官墓誌

博士附

州縣官誌銘

處士誌銘

幼穉誌銘

卷之七

宗族婣黨稱呼例

書上代例

書曾祖例

書曾伯叔祖例

書祖例

書父例

書母例

書伯叔例

書伯叔母例

書兄弟姊妹例

書姊妹夫例

書妻例

書子男例

書女婿例

書舅姑例

書外家例

職名例

有出身必書例 內職必書例 書除授例

家世例

書三代例 不書三代例 歷書世系例

書三代及其兄例

書三代不名而及其女兒與甥例

不書曾祖而書六代祖及祖及父例

不書曾祖而書祖書父例

不書曾祖祖而書六世祖及父例

金石例目錄

四

不書曾祖祖而書七世祖及曾伯祖及父例

不書曾祖祖而止書其父例

不特書父而書大王父王父伯例

書上世并書其母例 書二母例

書三代并書其母例

書三代并書其母其舅例

書父并其母舅不及上二代例

書十一世祖及父及母例

書父及母及兄弟而不及上世例

書婦女家世例

書三代例
書祖書父及其舅其夫例

書父及其夫其子例

書兄弟例

書兄及弟例

書妻例

書妻及曾祖祖不書妻之父例

書妻及妻之祖父不書妻曾祖例

書妻及妻之父不及其曾祖祖例

金石例目錄

五

書妻及妻之父及曾伯父例

書妻及妻祖不書其祖父例

不書妻祖父例
因葬書妻例

因祔葬書妻例
書再娶例

書三娶例
書婦德例

書子女例

書子女不名例
子書名女不書名例

子女並書名例
書子女及婿例

不書婿姓名例
書子女婿及外孫例

書異母子女例

書子而無女例

書子女年歲例

書女出家例

書子女生於歿後例

書過房子例

書子文學材質例

書無子例

卷之八

書歿例

書歿于官著年月日例

書歿于官不書年月日例

書歿于家著年月日例

金石例目錄

六

書歿于中道外州著年月日例

書歿于中道外州不書年月日例

書病歿例

書不病而歿例

書歿而不書歿之地例

書歿而不書歿之歲月例

書生歿年月日例

書病歿例

書歿不書病例

書歿爲梟例

書葬例

書勅葬例

書詔許還葬例

書自他州返葬例

書葬他州例

書葬祖父墓域例

書夫耐妻墓例

書妻耐夫墓例

書合葬例

書各葬例

書因某人歸葬例

書本月內葬例

書本年內葬例

書明年葬例

特書某年葬例

不書年月日例

不書葬地例

書某月幾日不書甲子例

書某月日甲子卽不書幾日例

金石例目錄

七

卷之九

論古人文字有純疵

論作文法度

論作文當取法經史造語

學文凡例

制式

擬制之始

擬制之式

誥式

擬誥之始

擬誥之式

詔式

擬詔之始

擬詔之式

表式

擬表之始

擬表之式

露布

擬露布之始

擬露布之式

檄式

擬檄之始

擬檄之式

箴式

擬箴之始

擬箴之式

銘式

擬銘之始

擬銘之式

記式

記以記事其式不一觀古人諸記可見矣故不具

擬記之始

擬記之式

贊式

擬贊之始

擬贊之式

頌式

擬頌之始

擬頌之式

序式

擬序之始

擬序之式

諸跋

金石例目錄

八

郝伯常先生編類金石八例

蒼崖先生十五例

卷之十

史院纂修凡例

聖旨詔例

元正朝賀

外國來賀

車駕飛放

車駕行幸

嶽瀆降香

聖節朝賀

諸王稱號

皇屬除拜

內庭宴集

大會諸王

神祇祭享

百官拜罷

百官除目

萌古言語

誅殺罪人

錫宴犒勞

甲子日分

天地災異

奏除臣僚

奏對陳言

陞加散官

征伐收撫

外國君長

營造工作

臣下奏事

臣僚薨卒

金石例目錄終

金石例目錄

九



濟南 潘昂霄 景梁

○碑碣之始

禮記檀弓下季康子之母歿公肩假曰公室視豐碑
註言視者時僭天子也豐碑斲大木爲之形如石
碑於椁前後四角樹之穿中於閒爲鹿廬下棺以
綽繞天子六綽四碑前後各重鹿廬也

三家視桓楹 註時僭諸侯諸侯下天子也斲之形
如大楹耳四楹謂之桓諸侯四綽二碑碑如桓矣

金石例卷一

一

大夫二綽二碑士二綽無碑 疏視比擬之辭也
斲大木爲之形如石碑者禮廟庭有碑故祭義云
牲入麗于碑儀禮每云當碑揖此云豐碑故知斲
大木爲碑也云於椁前後四角樹之者謂椁前後
及兩旁樹之角落相望故云非正當椁四角也云
穿中於閒爲鹿廬者謂穿去碑中之木令使空於
空間著鹿廬兩頭各入碑木云下棺以綽繞者綽
卽紼也人各背碑負紼末頭聽鼓聲以漸却行而
下之案春秋天子有隧以羨道下棺所以用碑者

凡天子之葬掘地以爲方壙漢書謂之方中又方中之內先累椁於其方中南畔爲羨道以蜃車載柩至壙說而載以龍輅從羨道而入至方中乃屬紼於棺之緘從上而下棺入於椁之中於此時用碑綽也 又云以言視桓楹不云碑知不似碑形故云如大楹耳通而言之亦謂之碑也云四植謂之桓者案說文桓亭郵表也謂亭郵之所而立表木謂之桓卽今之橋旁表柱也今諸侯二碑兩柱爲一碑而施鹿盧故云四植謂之桓也周禮桓圭而爲雙植者以一圭之上不應四柱但瑑爲二柱象道旁二木又宮室兩楹故雙植謂之桓也大夫亦二碑但柱形不得麤大所以異於諸侯也

韻會舉要碑字 註說文豎石紀功德從石卑聲徐

曰按古宗廟立碑以繫牲耳後人因於其上紀功德此碑字從石秦以來制也七十二家封禪勒石不言碑七十二家封禪之言始于管仲不言碑穆天子傳乃爲名迹于弇茲石上亦不言碑也銘勒功德當始于宗廟麗牲之碑也又祭義麗牲疏賈

氏曰官必有碑士昏禮聘入門當碑揖則大夫士廟內皆有碑鄉飲酒射三揖則庠序之內皆有碑據祭則諸侯廟內有碑碑所以識日景觀碑景邪正以知早晚宮廟用石爲之葬碑取懸繩縶暫時往來運載當用木而已喪大記註天子用大木爲碑謂之豐碑諸侯樹兩大木謂之桓楹檀弓註鄭氏曰斲大木形如石碑於椁四角樹之穿中爲鹿廬下棺以縶繞天子六縶四碑諸侯四縶二碑士二縶無碑又釋名云碑被也葬時所設臣子追述君父之功以書其上徐曰劉熙言起於懸棺之碑者蓋今神道碑也幼學記碑悲也所以悲往事今人墓隧宮室之事通謂之碑矣

事祖廣記云管子曰無懷氏封泰山刻石記功秦漢以來始謂刻石曰碑蓋因喪禮豐碑之制也刻石當以無懷爲始而名焉自秦漢也陸龜蒙笠澤叢書曰碑悲也古者懸而窆用水書之以表其功德因畱之不忍去碑之名由是而得自秦漢以降生有功德政事者亦碑之而又易之以石失其稱矣此

又德政有碑之起也陸法言廣韻曰碑碣李斯造
宜始于嶧山之刻爾釋名曰本葬時所設臣子追
述君父之功以書其上

事祖廣記云古之葬有豐碑以窆秦漢以來歿有功
業生有德政者皆碑之稍改用石因總謂之碑晉宋
之世始又有神道碑天子及諸侯皆有之 其刻文
止曰某帝或某官神道之碑今世尙有宋文帝神
道碑墨本也其初由立之于葬兆之東南地理家
言以東南爲神道故以名碑爾案後漢中山簡王
薨詔爲之修冢塋開神道註云墓前開道建石柱
以爲標謂之神道是則神道之名在漢已有之也
晉宋之後易以碑刻云

墓誌墓碑文辭各異 如云千歲之後陵各變遷知
其爲良吏之壙其勿毀焉又云兩嬪鴈行同城也
而不同藏之類止可施于墓內不可作碑用如文
詞可通用則或爲墓誌或爲墓道之碑亦可也但
碑上不言誌字止曰某官某人墓碑或云墓碣

○墓誌之始

事祖廣記云彖穀子曰齊王儉云石誌不出禮典石誌

一作木誌

按齊太子穆妃將葬議立石誌王儉曰石誌

不出禮經

起宋元嘉中顏延之爲王琳一作王彌作石誌以其無銘

諫故以紀行自爾遂相祖習然魏侍中繆襲改葬

父母制墓下埋文將以陵谷遷變欲後人有所聞

知但記姓名歷官祖父姻媾而已有德業者則爲

銘文又隋代釀家於王戎墓得銘云晉司徒安豐

元公王君之銘有數百字則魏晉已有其事不起

於宋也馮鑑續事始云按西京雜記前漢杜子春

一作杜子夏臨終作文命刻石埋于墓前恐墓誌

因此始也予謂昔吳季札之喪孔子銘其墓曰嗚

呼有吳延陵季子之墓莊子衛靈公葬沙丘掘得

石椁銘曰不馮其子靈公奪而埋之唐開元時人

有耕地得比干墓誌刻其文以銅盤曰右林左泉

後岡前道萬世之宰茲焉是保漢滕公夏侯嬰得

定葬石銘曰佳城鬱鬱三千年見白日吁嗟滕公

居此室則墓之有誌其來遠矣

○碑碣制度

諸碑碣

其有皆須實錄不得濫有褒飾

五品以上立碑螭首龜趺二

品以上上高不得過一丈二尺五品以上上高不得過九尺七品以上立碣圭首方趺上高四尺其執政官以上聽立墳峯

三品以上神道碑碑於墓隧道之左面南立螭首龜

趺有依品從合得尺寸

見儀制今更欲檢之此未盡也

司馬公曰按令式墳碑石獸大小多寡各有品數

然葬者當爲無窮之規後世見此等物安知其中

金石例卷一

六

不多藏金玉耶是皆無益于公者而反有害故令式又有貴得同賤賤不得同貴之文然則不若不用之爲愈也

五品以下不名碑謂之墓碣圭首方座以上石人石柱石羊石虎各有合得之數

○墓誌制度

墓誌納之墓中樞前平放其狀如方石斗二底撮面平而不凹大小無定制 上一斗於平面上大字題

某官某人墓誌銘曾見古墓中石誌制度如此又

記上一斗止寫某人墓誌不書銘字下一斗上作
小字書前一行刻云某官某人墓誌銘并引或言
有序或言并序後書序及銘刻畢以丹填之上下
二斗字並用丹填二斗相合四角以薄石片擋起
擋石如錢大厚薄亦如之但要使二石實相壓
着

家禮云下誌石 云墓在平地則於壙內近南先布
輓一重置石其上又以輓四圍之而覆其上若墓
在山側峻處則於壙南數尺間掘地深四五尺依

金石例卷一

七

此法埋之

○墓表制度

家禮云墳高四尺立小石碑于其前亦高四尺跌高
尺許 按孔子防墓之封其崇四尺故取以爲法用
司馬公說別立小碑但石須濶尺以上其厚居三
之二圭首而刻其面如誌之蓋乃畧述其世系名
字行實而刻于其左轉及後右而周焉婦人則俟
夫葬乃立面如夫亾誌蓋之刻云

墓表石立於墓前

就地埋定上題云某人之墓無
文辭墓雖無碑者亦當立此石

○石人羊虎柱制度

事祖廣記云彘穀子曰秦漢以來帝王陵寢有石麟
辟邪兕馬之屬人臣墓有石人羊虎柱之類皆表飾
墳壠如生前儀衛 風俗通曰方相氏葬日入壙驅
罔象罔象好食死人肝腦人臣不能備方相乃立
其象于墓側又罔象畏虎與柏故頂上栽柏路前
立虎也盧思道西征記曰新城西有漢旌陽太守
趙起墓有石柱東南有亭因名柱爲表漢霍去病
墓像祁連山立石人馬然則墓前之立石人柱羊
虎之類皆起于漢也 又唐王建北邙行云山頭
澗底石漸稀盡向墳前作羊虎

金制諸葬儀一品官石人四事石虎石羊石柱各二
事二品三品減石人二事四品五品又減石柱二事

○墓圖

古金石例云墓圖作方石碑先畫墓圖有作圓象者
內畫墓樣各標其穴某人其石嵌之祭堂壁上無祭
堂則嵌圍牆上

韓魏公父墓圖今有此石歲久卧之牆外

宗久圖碣二一埋中宮之下一立中宮之上太原以

墳塋中心爲宅神亦中宮之義也 祭堂瓦花頭皆寫云某氏千秋墓輒亦然南陽宗資墓前人有得古花頭瓦其花頭刻云宗氏千秋今石刻在申州刺史宅凡祭堂二於中宮左右建

家禮云刻誌石 用石二片其一爲蓋刻云有宋某官某公之墓無官則書其字曰某君某甫其一爲底刻云有宋某官某公諱某字某某以某縣人考諱某某官母氏某封某年月日生叙歷官遷次某年月日終某年月日葬于某鄉某里娶某處某氏

某人之女子男某某官女適某官某人婦人夫在則蓋云有宋某官姓名某封某氏之墓無封則云妻無官則書夫之姓名夫亾則云某官某公某封某氏夫無官則云某君某甫妻某氏其底叙年若干適某氏因夫子致封號無則否葬之日以二石字面相向而以鐵束束之埋之墳前近地面三四尺間蓋慮異時陵谷變遷或誤爲人所動而此石先見則人有知其姓名者庶能爲掩之也

諸墳塋地一品四面各三百步

長周不等者以積步折之餘准此

二

品二百五十步三品二百步四品五品一百五十步
六品以下一百步庶人不叙使官餘條葬無文者並准此及寺觀各
三十步若經恩錫及山谷內已業荒田者不在步數
之限

○古今碑石同異

漢碑有銘辭亦有無者今亦然

謂神道碑并墓碣有銘辭者有無銘辭者

今碑碣亦然也

墓碑無銘辭刻墓前石柱上亦有刻在碑上者

金石例卷之二

濟南 潘昂霄 景梁

○金石文之始

周禮王功曰勲國功曰功民功曰庸事功曰勞治功曰力戰功曰多凡有功者銘書于王之太常

禮記曰夫鼎有銘銘者自名也自名以稱揚其先祖之美而明著之後世者也爲先祖者莫不有美焉莫不有惡焉銘之義稱美而不稱惡此孝子孝孫之心也唯賢者能之銘者論譔其先祖之有德善功烈勲

金石例卷二

一

勞慶賞聲名列於天下而酌之祭器自成其名焉以祀其先祖者也顯揚先祖所以崇孝也身比焉順也明示後世教也夫銘者壹稱而上下皆得焉耳矣是故君子之觀於銘也旣美其所稱又美其所爲爲之者明足以見之仁足以與之知足以利之可謂賢矣賢而勿伐可謂恭矣故衛孔悝之鼎銘曰六月丁亥公假于大廟公曰叔舅乃祖莊叔左右成公成公乃命莊叔隨難于漢陽卽宮于宗周奔走無射啓右獻公獻公乃命成叔纂乃祖服乃考文叔興舊耆欲作

率慶士躬恤衛國其勤公家夙夜不解民咸曰休哉
公曰叔舅予女銘若纂乃考服慳拜稽首曰對揚以
辟之勤大命施于烝彝鼎此衛孔悝之鼎銘也古之
君子論譏其先祖之美而明著之後世者也比比其
身以重其國家如此子孫之守宗廟社稷者其先祖
無美而稱之是誣也有善而弗知不明也知而弗傳
不仁也此三者君子之所恥也昔者周公旦有勲勞
於天下周公既沒成王康王追念周公之所以勲勞
者而欲尊魯故賜之以重祭外祭則郊社是也內祭
則大嘗禘是也夫大嘗禘升歌清廟下而管象朱干
玉戚以舞大武八佾以舞大夏此天子之樂也康周
公故以賜魯也子孫纂之至于今不廢所以明周公
之德而又以重其國也

春秋左氏傳曰季武子以所得於齊之兵作林鍾而
銘魯功焉臧武仲謂季孫曰非禮也夫銘天子令德
諸侯言時計功大夫稱伐今稱伐則下等也計功則
借人也言時則妨民多矣何以爲銘且夫大伐小取
其所得以作彝器銘其功烈以示子孫昭明德而懲

無禮也今將借人之力以救其死若之何銘之小國
幸於大國而昭所獲焉以怒之亾之道也

國語曰昔克潞之役秦來圖敗晉功魏顆以其身却
退秦師於輔氏親止杜回其勲銘於景鐘 克勝也

魯宣十五年六月癸卯晉荀林父將滅赤翟潞氏

七月秦桓公伐晉次於輔氏晉景公治兵以畧翟

土及潞魏顆敗秦師於輔氏獲杜回景鐘景公鐘

○碑式

碑式之可法者固多舉其一二以爲式後皆放此當類推之

衢州徐偃王廟碑

韓退之

平淮西碑

曹成王碑

金石例卷二

三

南海神廟碑

處州孔子廟碑

柳州羅池廟碑

黃陵廟碑

箕子碑 柳子厚

道州文宣王碑

柳州文宣王碑

終南山祠堂碑

太白山祠堂碑

湘源二妃廟碑

饒娥碑

南霽雲睢陽廟碑

后土神祠碑

張說

唐天下放生池碑 顏真卿

禹穴碑

鄭魴

表忠觀碑 蘇子瞻

潮州韓文公廟碑

伏波將軍廟碑

壽域碑 王元之

四皓廟碑

披雲堂碑

馬子才

東平行臺嚴公祠堂碑

元遺山

祭孤魂碑

杜止軒

文子廟碑 郝伯常

漢高祖廟碑

漢光武廟碑 處士管寧廟碑

○碑陰文式

碑陰文

柳子厚

碑陰記

大明碑陰

先友記

處州孔子廟韓文公碑陰記

杜牧

○德政碑之始 事祖廣記云自秦漢以來歿有功

業生有德政者皆記之稍改用石因總謂之碑

○德政碑式

明州王密德政碑

李舟

易州刺史田仁琬德政碑

蘇靈芝

高陵縣令劉君德政碑

劉禹錫

金石例卷二

四

○墓碑式

清邊郡王楊燕奇碑文

韓退之

權公墓碑

劉統軍碑

王黃華墓碑

元遺山

寄菴先生墓碑

費縣令郭明府墓碑 宣武將軍孫君墓碑

○神道碑之始 事祖廣記云晉宋之世始又有神

道碑天子及諸侯皆有之其刻文止曰某帝或某

官神道之碑今世尙有宋文帝神道碑墨本也其

初猶立之於葬兆之東南地理家言以東南為神

道若神靈出遊道之意故以名碑爾 唐李夷簡

臨終救無碑神道

○神道碑式

唐銀青光祿大夫守右散騎常侍致仕上柱國襄陽

郡王平陽路公神道碑銘

韓退之

唐故河東節度觀察使滎陽鄭公神道碑文

唐故中散大夫少府監胡良公墓神道碑

唐故江南西道觀察使贈左散騎常侍太原王公神

道碑

司徒兼侍中中書令贈太尉許國公神道碑銘

金石例卷二

五

湖州長城縣令崔孚神道碑

白樂天

平章政事壽國張公神道碑

元遺山

沁州刺史李君神道碑
朝散大夫胡公神道碑

內相文獻楊公神道碑
轉運使王公神道碑

禮部尚書趙公神道碑
內翰馮公神道碑

國子祭酒馮公神道碑銘
東平行臺嚴公神道碑

水虎公神道碑
刺史馬公神道碑銘

康公神道碑銘
劉氏先塋神道碑

完顏公神道碑
畢侯神道碑銘

千戶趙君神道碑

○家廟碑式

立家廟自有品從 唐人三品以上得立餘不得立碑與墓碑制度同曾見永寧縣西寺有文潞公家廟碑是司馬溫公撰制度與墓碑同其陰今磨之刻寺記矣家廟碑立之家廟前

司馬溫公撰文潞公家廟碑 其畧云公以廟制未備不敢作主用晉荀安昌公祠制作神板采唐周元陽議祀以元日寒食春秋分冬夏至致齋一日又以或受詔之四方不常其居乃酌古諸侯載遷主之義作車奉神板以行此皆禮之從宜者也

○先廟碑式

烏氏廟碑銘 壬辰詔用烏公爲銀青光祿大夫河陽軍節度使兼御史大夫封張掖郡開國公居三年河陽稱治詔贈其父工部尙書且曰其以廟享卽以其年營廟于京師崇化里軍佐竊議曰先公旣位常伯而先夫人無加命號名差卑于配不宜語聞詔贈先夫人劉氏沛國太夫人八年八月廟

成三室同宇祀自左領府君而下作主于第乙已
升于廟

魏博節度觀察使沂國公先廟碑銘 田宏正始有
廟京師謹案魏博節度使銀青光祿大夫檢校工
部尚書兼魏州大都督府長史御史大夫沂國公
田宏正北平盧龍人故爲魏博諸將忠孝畏慎田
季安卒其子幼弱用故事代父人吏不附迎宏正
於其家使領軍事宏正籍其軍之衆與六州之人
還之朝廷悉除河北故事比諸州故得用爲帥已
而復贈其父故滄州刺史兵部尚書母夫人鄭氏
梁國太夫人得立廟祭三代曾祖都水使者府君
祭初室祖安東司馬贈襄州刺史府君祭二室兵
部府君祭東室

袁氏先廟碑 袁公滋旣成廟明歲二月自荆南以
旂節朝京師畱六日得壬子春分率宗親子屬用
少牢于三室旣事退言曰嗚呼遠哉維世傳德襲
訓集余乃今有濟今祭不薦金石音聲使工歌詩
載烈象容其奚以飭稚昧于長久惟敬繫羊豕幸

有石如具著先人名跡因爲詩繫之語下于義其
可雖然余不敢必屬篤古而達于辭者遂以命愈
已上係韓退之

丞相崔圓廟碑 始立廟洛邑曰考廟王考廟皆二
丈有七從四尋衡八尋二戶立楹外垂四阿圻墁
彩繪施以丹雘齋室疊室庭垣稱之 禮曰以勞
定國則祀之能禦大災則祀之能捍大患則祀之
是宜廟食以銘于鼎 古者諸侯立五廟有鼎與
樂有國之制侯伯有爵而無土廟有鼎祭樂不克

立五廟而立三廟不銘于鼎而銘于碑韓雲卿
南康郡王韋臯先廟碑 萬物本乎天人本乎祖乃
立宗廟以交神明 古者揚其功烈銘于祭器近
古以魯鐘衛鼎追琢先德不若鏤文字于麗牲之
碑之爲詳也乃謹而書之權載之

丞相代國公王涯先廟碑 唐制五等有爵服而無
山川登于三事得立四廟備物崇祀以交神明敬
先報本以輔孝治有國之令典也唯長慶三年前
相國王公始卜廟于西京崇業里公時鎮劍南東

川上章曰臣涯官秩印綬品俱第三請如式以奉
家廟制曰可是歲仲冬申命長男孟堅祔其主于
三室明年公入爲御史大夫復以十一月親行烝
嘗間歲公出梁州就拜司空禮崇數異廟加祀室
太和二年增新室既成祔顯考于尊位告饗由禮
劉禹錫

彭陽郡公令狐楚先廟碑 今上元年七月具官令
狐公西嚮拜章上言守臣楚蒙被恩深刻于元侯
得立家廟以奉常祀制書下其奏于有司于是善

相考祥得地于京師通濟里居無何新廟成公以
守藩故申命季弟監察御史定卜牲練日越八月
丁亥祔饗三室增墉以尙幽設幄以迎精理無尤
違神用寧謐劉禹錫

右僕射趙郡李紳先廟碑 王建侯侯建廟廟有器
器有銘所以論譔先德明著後代或書于鼎或文
于碑古今之通制也 齋沐祗慄拜章上言請立
其廟以奉常祀于是得請于天子承式于有司是
歲某月某日經始于東都明年某月某日有事于

新廟外盡其物內盡其志三獻百順神格禮成白
樂天

○先塋先德昭先等碑之始

蒼崖先生曰先塋先德昭先等碑例似與神道碑墓
誌等碑不同 先塋先德昭先等碑創建于國朝已
前唐宋金皆無之所書三代并妻子例似與神道
墓誌不同也

○先塋先德昭先等碑式

安肅郝氏先塋之碑 宜差五路萬戶郝侯和尙貞

祐 今年夏五月侯朝行闕對于幄殿者餘七十
日且以上廐馬二西域馬三彤弓四鎧胄三金錦
三并金虎符錫之夫人劉氏亦拜雙錦之賜 按
郝氏安肅人葬于縣之元免鄉千秋里者不知幾
昭穆矣曾大父諱廣資善良有陰德聞里中年八
十三遇異人教之良禁齒髮更生又十年乃終妣
曰劉氏大父諱全任俠尙氣勇于赴難有朱家郭
解之器妣曰田氏生二子侯之父諱增氣節豪宕
人多歸之不幸蚤世妣曰孫氏從上三世皆潛德

不耀獨叔父產自承平時以貲爲恩州酒務使次
令安肅迄今康寧壽考坐饗榮養歲時問安孫息
滿前郝宗陽報之慶斯濫觴也雖侯襲已積之善
擁方來之福而生子如此祖考可以無恨矣元遺
山

大丞相劉氏先塋神道碑 謹按劉氏世居宣德縣
北鄉之青魚里孝弟力田益有年矣曾大父雲自
遼日爲大家有子四人曰璋曰瓊曰玳曰瓚瓚之
子四人顯仁字仲明祖仁字仲昌用仁字仲至體

仁字仲康仲至府君卽公之考也公家故大族
府君娶同鄉李氏生三子長敦字德厚季効字德
信皆無祿早世公其第二子也自大父以來不常
厥居有其先塋止于青魚西北原而已 夫忠以
報國孝以起家立身行道之義彰慎終追遠之德
厚不有金石後裔何觀乃爲之銘公名某字德柔
以小字某行八子某其長己襲世爵云

歸德府總管范陽張公先德碑 范陽張公漢臣遣
其叅佐陳玠李侃侯玠自曹南走書幣及予于順

天書謂予曰子良不敏爰自束髮以良家子隸軍籍轉戰南北將四十年馮籍先世積善之舊生還鄉國乃辛丑某月得用侯伯之服之禮展省墳墓之令甲諸仕及通貴廟與墓俱有碑應用螭首龜趺之制竊不自揆度思得文士之見信于人者譔述之維張氏族出范陽其家于縣東仇家里者不知其幾昭穆矣自公會大父甲而下皆隱德不耀大父臣甫資稟高亮壽八十有七怡然坐逝祖妣王氏李氏生子三人其季諱珪純質有父風

明昌壬子之夏三水泛濫漂壞廬舍至于止隴亦爲湮沒珪與長女李乘船筏百計訪求僅得祖考遺骸于泥淖之下其瀕于死者屢矣妣宋氏慈仁勤儉孝于舅姑生子二人長卽公次曰子明仕爲鄜州洛郊主簿母有前識謂公材幹特達後當貴顯常戒之母妄殺以仁愛爲懷墓故在三水之陽懲創水禍改卜其陰乃在所居之西南原見于辛丑新阡者特二世耳初大安兵興公以材選爲軍中千夫長故予旣論次其先德并以公出處附

之欲人知張氏所以起其宗者蓋如此

龍山趙氏新塋之碑 歲癸酉冬十月先太師以王
爵統諸道兵長驅而南 癸卯冬十月侯介于同
官李稚川周才卿爲予言吾趙氏世居保塞以仕
遷大梁五代末有諱匡穎者官至靜江軍節度使
兼桂州管内觀察使弟匡衡及八世孫襄疊仕于
宋皆至通顯金朝兵破大梁吾家例爲兵所驅盡
室北行至龍山遂占籍焉雖譜牒散亾而其見于
祖塋石誌者蓋如此振王之曾大父坤隱田間致

貲巨萬娶王氏生大父憲資僮好施予人多以
急難歸之娶馬氏生子八人吾父琳其第四子也
幼出大家頗以裘馬自喜 由大父而上皆葬鄉

里振王之考妣兵亂中權厝縣西佛寺比避兵還
而寺屋被焚遂失藁殯所在 乃用故事卜于平
棘縣西北鄉蘇村里之南原爲顯考衣冠之藏日
者室人冀氏物故因從祔焉維遠祖自保塞遷大
梁旣無歲月可考自大梁遷龍山則僅能志之今
南原卜宅亦吾趙宗之大舉不勒之金石以昭示

永久後世其謂我何誠得吾子辱以文賜之爲幸
多矣敢再拜以請

下邳劉氏先德碑銘 下邳劉氏其先世皆滄人自
總管而上其世系名諱與其仕宦可知者凡四世
高祖父諱辛仕金官至顯武將軍軍資庫使符雜
縣尉升下邳令子二人長曰思誠次曰思謙業儒
術有子二人曰元曰珍元早卒珍字子玉 年八
十二以壽終配樂氏潘氏子二人曰榮曰顯其一
早卒皆樂氏所出榮字德茂 至元十一年正月
卒享年七十有六配邢氏子男二人長曰源承事
郎樂安州判官娶徐氏子男二人曰某次卽總管
傑也娶謝氏前卒繼娶郭氏靈壽縣尹敏之女子
男七人 傑字漢卿 自曾大父以上皆葬下邳
巨山之陽自祖父以下皆葬益都今將補松楸之
闕展拜掃之儀願得子之文刻之貞石 乃爲次
第其世數事跡而繫之以銘王鹿庵

彰德總管孫公先塋碑銘 公之曾大父某娶何氏

四子慶祐慶文慶元祿和慶元則公之大父也娶

趙氏有婦德二子威平平早世威卽公之考也年若干終于某官杜氏年八十八下及五世孫疾公率其子拱振等諸孫謙諧誼等以問 然而公未老事業尙未旣而拱有才氣謙旣能以世其業云予他日又可以考其淺深厚薄於此也劉夢吉

懷孟萬戶劉公先塋碑銘 按顯曾祖考諱德安隱

居不仕妣張氏楊氏顯祖考祁陽府君諱寶資幹奇偉氣畧過人 享年若干妣李氏楊氏姜氏顯

考蒲陰府君諱世鼎不避矢石竟被創而廢享年

若干妣齊氏張氏三世皆葬祁州蒲陰之北鄉百長原其家宗友則有圖列碑陰

龐氏墓道先德碑銘 曾祖其次居十然以次推十

曾外二伯曾則兄猶七人其下有季叔無耶昆弟耶從父從祖之昆弟耶所不可知姑計是十家子孫將不百人而止咸盡于賊惟十曾一子祖府君諱智者存 考府君生六年當至元改明年己丑

夏五月二十有八日以卒年七十七 考府君卽

墳喪之仲應亦卒 仲溫以他求出異以九年戊

辰十一月二十有七日卒年止四十七從葬先塋
諸姑四人皆歸鄉人詠昆仲二人合仲父季父子
各四人爲十人輅銀符由同提舉興州採木司主
洛水簿卒子文柳文振詠子文括文播承顏合諸
父之子男十二人女十一人姚牧菴

鄒平賈氏昭先之碑 賈氏世爲濟南鄒平人祖諱
某以敦斂自尙二子長諱某次諱某尙書君父也
卒年六十四配王氏 癸巳三月二十日年七十
卒二子曰馴致道君曰某以字顯監濱州稅孝友

金石例卷二

夫

有爲四女長適王氏次李氏次段氏次王氏皆濟
南盛族劉中菴

○賜碑銘號之始

退朝錄云唐太宗自撰魏元成碑德宗亦撰段秀實
碑本朝太宗撰中令趙公碑皇祐中王侍郎子融守
河中還乃以唐明皇所題裴耀卿額上之仁宗遂御
篆賜沂公碑曰旌賢

○賜碑名號式

旌賢王沂公碑

懷忠呂許公碑

顯忠李忠武公碑

旌忠寇萊公碑

全德元老王太尉碑

教忠積慶文潞公父泊碑

親賢李侍郎用和碑

褒親齊國獻穆公主碑

旌功曹襄悼碑

崇儒丁文簡碑

舊覺晏元獻碑

舊德張鄧公碑

顯先積慶趙中令子鼎昭碑

儒賢高文莊碑

旌忠懷德張侍中耆碑

褒賢范文正公碑

思賢李相沆碑

旌忠元勳狄忠襄碑

褒忠陳恭公碑

金石例卷二

七

清忠王武恭碑

純孝張文孝碑

忠規德範宋元憲碑

淳德守正呂文穆碑

大儒元老賈公碑

金石例卷之二終

